

HALLOWEEN SPELLS

Write a Halloween spell in Scots.

Whit will ye pit in your cauldron? Will ye steer in bonnie things like flooers and aipples? Or will ye fling in honkin mingin things like a speeder or a dug's slavers?

Whit about some magic words? ABRACADREICH? Or GIES-PEACE? Or SHOONGLIE-SHOONGLIE-SHOOGLE-SHUCH?

And whit is your spell for? Please make it something nice, for example, to stop people getting the cold, or to keep them safe from danger.

Spell Wan



Tak a dug's bane, a tod's tail, a craw's feather, a partan's claw, a speeder's web and a coo's slavers.

Steer them awthegither intae yer cauldron. Chant the magic words.

SLITTER-SLAISTER-SHOOGLE-SKOOSH!

It's a spell for makin the dishes waash themsels.

Spell Twa



Tak a bawdrin's whiskers, the brim o a carline's hat, the wand oot o a warlock's haun, sweat fae a zombie's oxtter, a vampire's wallies, a flittermoose's fangs and a dauncin skelet.

Steer them awthegither intae yer cauldron. Chant the magic words.

BOGLE-BAWDRINS-BIRL-YA-BIZZUM!

It's a spell for curing plooks.

Spell Thrie



Git a haud o a dug's bane that's been buried in the gairden for ten year, yer brither's soaks that hivnae been waashed for twa and a hauf months, a second-haun carline's besom, a ghaist's library caird, a hoolet's hoot and a bubblyjock's bubble.

Steer them awthegither intae yer cauldron. Chant the magic words.

BUBBLYJOCK-BUBBLYJOCK-BUBBLYJOCK-BUBBLE!

It's a spell for makin the groond soft so that when ye faw aff yer bike ye dinnae hurt yersel.